

元史演義

商 務 印 書 館 發 行

全
部
四
冊

秦 漢
演 義

定
價
八
角

歷史小說之膾炙人口者。惟東周列國志。三國志演義。坊間所印廿四史演義等書。淺陋太甚。欲其貫穿歷朝。文字足與東周三國相配者。殊未見也。是書上承東周之後。共計十萬餘言。分訂四冊。內容豐富。紀載翔實。文字淺明。圖畫美備。可爲史料之補助。可作家庭之消遣。實通俗教育書中之大觀也。

教 育
部 批

是書以演義體裁敘述秦漢事蹟用意正大措詞明顯俾一般不能讀史記漢書之人藉此亦可略得歷史之智識其有裨於通俗教育洵非淺鮮

元史演義卷五

第二十九回 趙涪陵聘賢龍首

却說涪陵既得漳州。用重兵控制邵武。以遏江右閩中兩省援師。命馬遇樂拓跋琳分頭領兵。略就近州縣。方欲傳檄以達廣南。再議進兵。忽報皇甫惇馬遇陽由吉安回。至順昌。遇着二將引兵來降。涪陵迎入。二將俱虎頭燕頤。魁梧奇偉。一見涪陵。納頭便拜。涪陵慌忙扶起。再三勞慰。始叩姓名。其一姓高名耀卿。渤海人氏。其一延安人也。姓韓名靖夏。曾爲宋末留守司統制。一向隱身閩中。近聞殿下江右起義。因於九龍山集兵千人。耀卿取了南靖長泰二縣。靖夏亦攻破福寧州。有建寧路都統制遣兵來援。某二人合敗其師。方始來歸。無可表獻。權將二郡作贄進見。涪陵喜出望外。稱謝曰。將軍等不忘故國。則南宋之中興有日矣。遂登風月樓酌。

酒與二將洗塵。又謂衆人曰。大將已至。諸公當輪流把盞。只見高耀卿推箸而起曰。殿下此宴賀功則可。若云大將。則閩中尙有奇材。此人若至。國家厄運日消。恢復立見。縱使伯顏張宏範復生。不足慮也。涪陵急問其人。耀卿曰。馬邑人岳燕超也。將略素裕。可當專閫之任。二子鎮坤俱非凡鳥。燕超與耀卿契交最久。伯顏曾令魏天祐以參政顯職聘之。不就。則令州縣密捕除之。恐生異日之患。蓋陰以淮陰比燕超也。今隱霞浦縣龍首山殿下遣使聘之。則大事立成。涪陵問其人比將軍何如。耀卿曰。勝某十倍。涪陵疑信參半。韓靖夏亦亟言燕超可用。殿下不可錯過。有皇甫惇起身願往招之。涪陵曰。古之聖王側席求賢。不惜三聘五徵。國事旣重。名賢自不可輕。宜遵造廬之禮。方足以表敬意。且說當時涪陵以高將軍權知兵馬事。總制邵武。韓將軍屯兵杉關。救應閩中。防建寧。

兵至。劉瑛史進拓跋琳領兵控上梧蓬頭桂嶺三關。防脫脫兵至。救應江右諸郡。各處要地。俱用將防守。不日進征調用。收拾禮物。猶未起行。轅門上又傳廣南惠州府羅浮山有人奉表至。涪陵降堦而迎。乃韓昭李穆也。二人叩見起居畢。奉表呈上。涪陵觀之。其略曰。

伏聞殿下潛身海島。十載播越。中州鼎沸。無所統屬。今天誘其衷。萬里歸國。崛起雄師。使天下士大夫得以效死。圖報國恩。人意既諧。天時亦順。危運立時而銷。中興拭目可待。夫以紫色餘分。擬亂正統。已令英雄短氣。志士灰心。况狂悖及於聖天。罪浮嬴政。兇暴至於陵骨。虐踰曹瞞。軍民切齒。中外一心。語云。天生斯民。必有司牧。當今司牧。非殿下而誰。獻公之子九人。晉文創霸。漢家之厄十世。光武中興。師定閩廣。席捲荆湖。則大事可成。

王業可興矣。仍遵航海國號。祥興二年。會合勤王義師。雄兵百萬。請約主盟。并示師期。先定廣南。預建國都。招魂二王。肅清陵墓。其餘地土。可傳檄而定。無任懇款之至。羅浮復宋營首領衛臣种世龍等。百拜謹表以聞。

大宋祥興二年八月初二日奉表韓昭李穆

涪陵觀畢。喜極而泣。叩問廣南用兵情形。嘖嘖稱羨。約以來歲之春。師過羅浮。韓昭曰。殿下之兵。朝至廣南。則廣南朝定。夕至廣南。則廣南夕定。李穆曰。羅浮聚兵三萬有餘。能征慣戰之將三十餘員。兵精糧足。所以不敢攻城掠地者。一以軍中無主。恢復尙屬虛名。一以廣南有一大將。尙未招降。故遲疑至今。未敢妄發。近聞殿下由江右入師閩中。羅浮士氣百倍。不必兩軍對壘。而勝負之形判然矣。涪陵見二人議論侃侃。舉止安詳。知是賢士。改容禮之。設

宴款待。從容問及故國典要。條分縷晰。井井不亂。涪陵若飲醇醪。不覺自醉。又有侯長孺皇甫惇等。相陪談心。意更款洽。涪陵私語左右曰。吾不喜得羅浮書。喜得二賢士耳。語罷。卽命皇甫惇侯長孺。往羅浮報命。隨帶馬遇樂。張懷亮。及親隨數人。望福寧州禮聘燕超。不日遂達蔗洋。近福寧州西北。過太姥山。忽聞曄殺之聲。涪陵大驚。登高而望。見曠野平原間。有二將面如傅粉。唇若塗硃。弱冠年紀。凜凜威風。一持梨花長槍。一舞方天畫戟。二人正鏖戰不休。殺得性起。如雪花紛紛亂舞。又似白龍攫雲拏霧。騰空夭矯。惟見寒鋸隱隱。不露人身。張懷亮馬遇樂亦極口稱賞。均喝采不已。時已過午。二將戰了一會。勒馬大笑而去。涪陵心慕其人。思踪跡之。但求賢未遇。祇得先縱馬下嶺。約行里許。見空山落寞。草荒人稀。薜蘿縱橫。夾道皆碧苔青蘚。愈行愈遠。無可問途。從石磴峻嶒。

中。紆折出峪。恍聞馬蹄鸞鈴之聲。遙見鏖戰二少年。驟馬嶺上。其行如駛。張懷亮大呼問誰。其一按轡而去。其一停馬審視。張懷亮始向前問路。少年飛馬而下。見一行人衆。舉止非凡。便先問訊。張懷亮曰。我等奉趙殿下。往龍首山訪賢至此。少者曰。誰爲趙殿下。將訪誰也。懷亮曰。前面紫衣驄馬者。卽宋涪陵公也。將訪岳賢士燕超。少年聽罷。大驚。下馬拜伏於地。涪陵忙令扶起。少年曰。某卽燕超之長子。岳鎮也。殿下至此。有失祇候。涪陵大喜曰。前面演武者。想卽汝昆季也。少年謝曰。然。此山有東西二徑。西達棲雲嶺。近福安縣。下嶺過扈崎山。周仙巖。三渡港。皆荒邨窮谷。不堪人行。惟東瓢峯。平遠臺。通龍首山。下卽小將蝸居。殿下從此登嶺。越前面三峯而下。卽覩衡門矣。小將理當先驅。遂躍馬而去。涪陵一行人衆。緩緩踰嶺。果見林巒秀出處。左泉右石。其中結廬一所。茂林修

竹點綴掩映。不一會。已至門首。下馬見一片平曠。知是走馬之場。兩旁大木。合抱參天。少時燕超岸然而出。涪陵視其人。英姿颯爽。氣宇軒昂。有儒將風度。二子亦神爽飛越。肅客而入。堂前依次禮畢。各敘起居。涪陵先將禮物幣帛呈上。始正襟而起曰。趙氏國祚傾移。厓山煨燼。固屬大命已去。不易挽回。然蒙古之虐毒生民中原板蕩。滅天毀聖。伐陵鄙儒。種種狂悖之行。聞者髮指。晨不度德量力。欲恢復故業。拯斯民之疾苦。雪先代之仇恥。有高韓二將軍盛稱足下。將畧兵機。有經天緯地之才。故不揣冒昧。造廬請謁。乞足下垂念我太祖皇帝。開創艱難。卽足下先代。亦有造我國家。小子飄泊海外。虎狼餘生。所仗惟天。以有今日。然闇於時事。昧於機宜。不賴良弼。焉定厥功。未審足下肯賜教否。言訖泣下。長跽而請。燕超大驚。急免冠伏地而起曰。殿下不擇樛櫟之選。下及芻蕘。燕

超敢不竭股肱之力。盡鉛刀之一割乎。涪陵聞燕超許可方起。燕超又叩首謝曰。殿下隆禮相貺。惠顧敝廬。如此知遇。雖肝腦塗地。不能報也。涪陵大喜扶起。張懷亮馬遇樂等齊聲曰。殿下聞君大名。每飯不忘。形諸夢寐。今君肯出而展其經綸。佐厥成功。卽齊威之得管夷吾。符秦之得王景略也。吾屬亦攀龍附驥。相與有光矣。燕超遜謝不當。設筵枕戈亭下。涪陵酒酣。叩以當世急務。燕超曰。先建都邑。以屬人心。次定名號。以立國本。都邑既定。名號旣舉。然後以深仁厚澤。固結民心。民心本未忘宋。而更以恩施德政。收拾之。則不可搖動矣。涪陵曰。固結民心。盡於輕徭薄賦乎。燕超曰。仁民之政。不止輕徭薄賦。然相時立言。則當今與吾仇敵者。元也。元以暴。吾以仁。元以刻。吾以義。元峻而急。吾寬而緩。凡興利除弊。一反元之所爲。卽如元主滅天。殿下自然敬天。元主毀聖。殿下十分

崇聖。元主鄙儒。殿下加意重儒。上行下效。不外是矣。但此中緩急次序。調度施行。尙宜多親儒者。商榷得宜。非燕超敢與聞也。惟捍禦外侮。折衝之任。燕超與諸君力當爲之。涪陵點頭稱善。又問兵行。先征何所。目下廣南羅浮有書。約會舉兵。此去能有濟否。燕超曰。羅浮大有識者。傳檄荆湖。聚會英雄。直待以殿下爲名義。收復廣南。決有成算。涪陵曰。旣得廣南。卽都廣南乎。抑都閩中乎。燕超沉思良久曰。閩廣亦宋末之故都耳。故當時有一汴二杭三閩四廣之謠。夫天下者。常山蛇勢也。秦蜀爲首。東南爲尾。中原爲脊。若以東南爲首。必不能起天下之脊。故自古中興之主。起西北。卽足以據中原。而有東南。起東南。卽不能復中原。而有西北。天下形勝。川陝爲上。荆湖次之。淮揚又次之。此已往之陳迹也。又云。天下治。地氣自北而南。天下亂。地氣自南而北。今南方地氣大至矣。不出

百年。仍歸大治。亦天地剝復之機也。殿下重興舊業。死灰復燃。據燕超管見。殿下興師以來。所得州縣。無過於邵武者。控制閩廣。吳楚可通。前臨海道。據八閩之上游。荆揚一帶郡縣。遣將取之。席捲可定矣。至行師運用之妙。在乎一心。臨時應變。非敢預爲決也。涪陵大喜。自謂相見恨晚。馬遇樂。張懷亮。并請浼其二子。一同立功。燕超不可。曰。孺子學業未成。且此間薄有田畝。力耕自給。勿致荒蕪可也。時二子在側。次子岳坤。平日喜操強弓。騎怒馬。演鎗試劍。聞聘乃父。甚是技癢。一見燕超。不許。冷語冰人。面如土色。長子鎮默然不語。張懷亮方欲開言。涪陵艷然不悅。曰。足下許身爲國。而令二子饘粥自給。是薄晟不能以祿詔賢也。同建功業。未爲不可。燕超起謝曰。年少新進。每多喜事。卽易僨事。令伊耕田歷練。再仕未遲。馬遇樂。張懷亮。二人再三勸行。燕超堅拒不許。岳坤情急面

漲通紅。涪陵會意。不由燕超分說。命二子且隨某去。臨陣爲左右護衛。馬遇樂大喜曰。殿下臨敵。正少扈從。二公子正當其選。張懷亮慫恿二子作速謝恩。燕超不便再阻。二子叩首謝命。喜出望外。佩劍行酒。隨侍涪陵。當晚卽在莊上安宿。涪陵甚喜得士。竟夜不眠。次日燕超將行。召集村中父老。以廬舍田產託之。衆父老聞燕超應聘出仕。各置羊酒鹿脯。迎門祖餞。問仕何所。燕超告以宋主父老驚喜曰。我等皆故宋赤子也。昔日文少保開府南劍。大舉勤王。我等從福安縣謝翱。應募赴難。轉瞬之間。又十餘年矣。一齊叩見涪陵。伏地舉觴上壽曰。此小民芹曝之獻也。涪陵見此光景。不覺泣下。心感其誠。逐一飲之。勉以孝弟雍睦。勸課農圃。岳鎮岳坤。押車輿家小先行。涪陵與燕超等隨後。衆父老依依不舍。直送至十里外而別。

第三十回 狄招討三征羅浮

却說漳州府治東南隅。有館曰水雲館。前臨浦水。面對梁山滄洲。繞其左。圓山峙其右。洵爲一郡勝概。遊人雅士。畢集於此。館前有亭曰留珮亭。相傳景祐間。漳州有虎患。早晚常出傷人。漳民苦之。晉江呂璫來知漳州。頗有德政。因踪跡虎所出入處。設筭祝曰。暴吾民者入吾筭。三日後。果有一虎。自來投筭而死。漳民德之。後呂璫將去任。漳民挽留不能。呂璫留珮爲別。後人因建此亭。以誌遺愛。亭中遍植奇花異卉。開時郡守邑令。多來酌酒賞翫。時亭中有盆樹一株。高可三四尺。幹葉皆紫黑色。葉小類石楠。質理細厚。無花。俗名鐵樹。凡事之難成者。譬之鐵樹開花。卽此樹也。一日李繼業馬遇陽等。偕齊僚佐文武。遊至亭中。忽見此樹。花開四瓣。皆紫白色。狀如瑞香。嗅之有草氣。久而不凋。繼業大異之。有老吏進曰。

此花最難開者忽開。郡中定有佳兆。當爲總鎮預賀。繼業謂馬遇陽曰。其殿下得賢之徵乎。遇陽等然之。花間酌酒。呼盧浮白。皆謂殿下此去必得奇材。以爲良輔。共成王業。忽丹霞嶼守卒報入。大洋內有隻海舟。舟中人云。由占城國與趙殿下送親來此。李繼業等不知原委。亦不知作何接待。惟馬遇陽深明此事。遍告衆人曰。此必殿下飄泊海外時至占城國赤城堡所聘。棗陽人孟來弼之姊也。來弼之父名琪。理宗時官防禦使。因見呂文煥將陷襄陽。挈家遠徙。其父早卒。今來弼送姊回國。萬里之遙。與殿下完姻。眞鐵樹開花之兆也。衆人齊聲稱賀。繼業大喜。下令滿城軍民人等。皆張燈結綵。迎接貴人。長孺赴羅浮。漳州府事由葛天民代理。天民乃送冠誥至丹霞嶼。登舟與孟來弼相見。各敘寒暄。天民備陳殿下由占城歸來。於虎邱得遇故人張懷亮。自龍會山以劉氏弟兄

起兵。歷下撫州。建昌。南安等處。統御八閩。又得邵武。汀州等郡。近得高韓二將軍。薦一大將。殿下屈己聘賢。親身造廬。不日回歸。方請貴人入郡。與殿下畢姻。目下且權在舟中安宿數日。大禮旣成。香車始進。有憲修令狐老先生。請同天民入城。與文武官僚一敘。時年已七十餘。天民甚是尊重。其子韜亦趨謁天民。略敘款曲。一同入城。李繼業率同文武。邀入賓館。獨馬遇陽以子壻禮參見。衆人始知來弼與遇陽。本聯襟袂。李繼業與葛天民等。准備花燭。諸事停妥。惟候涪陵歸日。便是佳期。且說來弼之姊名麗蓉。與母向氏。嫂令狐瓊華。并瓊英等。在後艙中。歷盡海島。始達漳南。沿海探聽。未得音耗。被海風吹到漳州之南。至丹霞嶼泊舟。涪陵果在此處。篙工與舵師俱疑若有神助。瓊英此時同在舟中。日看嶼石。朝色如丹。晚色如霞。未免有情。不識意中人亦在漳州否。芳心脈脈。

未敢明言。又見岸傍祇候官吏。逐日不斷饋送問候。但是姊夫孟來扮酬答。未審書柬中馬氏弟兄亦曾具名否。左右思維欲竊一觀。舟中耳目甚近。恐有不便。正在踟躕。麗蓉早喻其意。以言挑之。瓊英未答。心中總未能釋然。忽報令狐威回至舟中。言趙涪陵公聘賢已歸。約定香車采輿。來日入城。以寅賓館安置孟夫人。及瓊英等二姓家小。貴人卽以來日合巹。早正母儀。共秉國政。孟來扮亦諸事齊備。揣候鑾輿。却說涪陵與燕超等一行人衆。回漳州離城三十里。有葛天民李繼業馬遇陽等。率文武官吏俱身穿吉服。前來迎候。涪陵以爲慶得燕超。不勝之喜。燕超下馬。與諸人見禮問訊畢。俱各耳語。燕超聽罷。歡喜異常。涪陵怪之。縱馬入城。見家結綵張燈。俱說來日接貴人入城。惟涪陵以衛王祥興二年己卯十五歲由厓山逃遁海外。整十有一年。自起兵至今。又四易寒